

He āwhina kia whiwhi whare rēti koe, kia noho tonu hoki koe ki tō whare rēti

He āwhina mō te hunga rēti whare

Kōrero mai mehemea e hiahia āwhina ana koe kia utua tō rēti, kia utua rānei ngā whakapaunga pūtea ā-whare. E tuku ana mātou i te pūtea tautoko kia whiwhi ai ngā tāngata i ngā whare rēti tūmataiti, kia noho tonu hoki ki reira. E ūhia ana e tēnei ngā ākonga me ngā kaumātua kua nui ake i te 65 tau te pakeke.

Ehara i te mea me whiwhi takuhe koe i mua i tō whiwhi i tēnei āwhina. Ka āhei hoki pea koe mehemea he iti ō whiwhinga pūtea.

Ka hāngai te tautoko e whiwhi ai koe ki te āhua o tō ao, o ō whiwhinga pūtea, me ō rawa.

He āwhina auau kia utua te rēti

Ki te hiahia āwhina koe kia utua tō rēti, ka āhei pea koe ki te whiwhi i tētehi utu auau, arā, te Tāpiringa Pūtea Noho. Kāore tēnei i te wātea ki te hunga e noho ana i ngā whare tūmatanui.

Ki te hiahia koe ki ētehi āwhina anō kia utua ai tō rēti, kia utua ai rānei ētehi utu orange waiwai anō, ka āhei pea koe ki te whiwhi i te Tautoko Tāpiri Rangitahi (Temporary Additional Support). Ka 13 wiki, ka poto iho rānei te roanga o tēnei.

Te utu i te rēti kua tōmuri kē

Mehemea kua tōmuri tō utu i te rēti, kia tere tō mahi. Kōrero ki te kaiwhakarēti o tō whare kia whakaritea ai he mahere e utua ai te rēti e tōmuri ana. Mehemea kāore e taea te pēnei, ka āhei pea mātou ki te āwhina, kia kore ai koe e panaia i tō whare.

Ka āhei pea koe ki te whiwhi i tētehi Takuhe Reti Tōmuri (Rent Arrears Grant). Me whakahoki mai koe i tēnei pūtea.

Te monihere me te rēti tōmua

Mehemea kua kite koe i tētehi whare, ka āhei pea mātou ki te āwhina i a koe kia utua ai te monihere me te rēti tōmua.

Kōrero mai kia mōhio ai tātou ki te tautoko e wātea ana ki a koe. Tērā pea, he Takuhe Monihere (Bond Grant), he Takuhe Rēti Tōmua (Rent in Advance Grant) rānei. Me whakahoki mai koe i tēnei pūtea.



Te nuku whare

E āwhina ana ngā Takuhe Nuku Whare (Moving Costs Grant) kia ea ngā utu pērā i te rīhi tauaru, i te rīhi taraka rānei. Ka utu rānei i ngā kainuku rawa, mehemea kāore e taea e koe ō rawa te whakaneke, he pakeke nōu, he māuiui rānei, he hauā rānei, he aha atu rānei.

Me whakahoki mai koe i tēnei pūtea.

Te āwhina ki te whiwhi whare rēti

Mehemea e kimi ana koe i tētehi whare noho, engari he uaua nā ngā āhuetanga o tō ao, ka āhei pea mātou ki te āwhina mā te tuku atu i tētehi reta Whakaea Utu Rēti Whare (Tenancy Costs Cover) hei tuku atu māu ki te kaiwhakarēti o te whare.

Me pēhea te tono mai

Ka āhei koe ki te tono ā-tinana, ā-waea rānei

I mua i tō tono mai, me whakarite koe i ētehi puka, tae atu ki:

- te taunaki o tō tuakiri
- ngā taipitopito o ō whiwhinga pūtea me ō rawa
- ngā taunaki o ō whakapaunga pūtea (hei tauira, ngā utu nuku whare, te rēti tōmuri rānei)
- tō whakaaetanga rēti whare.

Te tono ā-tinana mai

Toro mai ki te pokapū ratonga o Te Hiranga Tangata kei tō takiwā. Ko te painga ake, me whakarite i tētehi wā hui i mua i tō taenga mai. Kei workandincome.govt.nz/findus ngā wāhi o ō mātou whare.

Te tono ā-waea mai

Ka āhei koe ki te tono ā-waea mai i ngā Mane ki te Paraire i te 7 karaka i te ata tae atu ki te 6 karaka i te pō, i ngā Hātarei rānei i te 8 karaka i te ata tae atu ki te 1 karaka i te ahiahi. Waea mai mā te:

- **0800 559 009** mō te hunga he kaimahi te pakeke
- **0800 552 002** mō te hunga kaumātua
- **0800 88 99 00** mō te hunga ākongā

Mehemea e whiwhi ana koe i te Takuhe Rangatahi (Youth Payment), i te Takuhe Matua Rangatahi rānei (Young Parent Payment), tēnā, kia toro tōtika atu koe ki tō Kaiārahi Rangatahi (Youth Coach).

Mehemea he turi koe, he uaua rānei ki a koe te kōrerorero ā-waea, ka āhei koe ki te:

- pātuhi mai: **029 286 7170**
- īmēra mai: **MSD_Deaf_Services@msd.govt.nz**
- whakamahi i ngā ratonga NZ Relay: **NZRelay.co.nz**

Ki te hiahia koe ki ētehi mōhiohio anō

Toro mai ki workandincome.govt.nz/housing

Ka āhei hoki koe ki te titiro ā-ipurangi ki ngā momo tautoko ka wātea pea ki a koe mā check.msd.govt.nz